



# ВЫЛЬ СІЗЕН



ОТДЕЛ  
РЕЛИГИОЗНОГО  
ОБРАЗОВАНИЯ

## ПАВЕЛ АПОСТОЛЛЭН ТИТЛЫ ЫСТЭМ ГОЖТЭТЭЗ

### 1-тй ЛЮКЕТ

<sup>1</sup>Павел, Инмарлэн ляльчиез, Иисус Христослэн апостолэз мон луи Инмарлэсь быръем муртъёссэ оскон пала ваён понна. Шонер осконлы тупась зэмлыкез тодон, <sup>2</sup>пумтэм вапумъёсы улон бастонлы оскиськон сётэ. Аслэсьтыз верам кылзэ котьку но быдэсьясь Инмар тае вапумъёс кутсконлэсь азьвыл ик сйзиз. <sup>3</sup>Нош тупатэм дырыз вуиз но Аслэсьтыз кылзэ Со калыклы ивортйз. Кылзэ тодытонэз Инмарлэн, асьмелэн Утисьмылэн косэмезя, мыным оскиз. <sup>4</sup>Титлы, монэн одйг осконын улйсь зэмос пилы, мылкыд карисько: Инмар Атайлэн но Кузё-Инмарлэн Иисус Христослэн, Утисьмылэн дэлетэз, гажан-жалянэз, каньылыкез тон бордын мед улоз.

<sup>5</sup>Со понна мон тонэ Критэ кельтй: йылаз-пумаз вуттымтэ ужъёсты мед быдэстод но ваньмаз городъёсы вöсьяськисьёслы кивалтйсьёс мед пуктылод шуыса. Мон тонэ кури: <sup>6</sup>со пунктэм адямиосыд дун-шектэмесь мед луозы, одйг пол гинэ кышнаяськемын мед луозы, нылпиоссы Инмарлы оскись мед луозы. Азыса-калгыса яке тэрытскытэк уло шуыса, калык пыкылоно медаз лу. <sup>7</sup>Епископ – Инмар юртэз утись мурт бере, соин ик со дуншектэм луыны кулэ. Вылтйяськись, йыркурьяськись, юонэз яратйсь, жугиськись, узырлыклы

синмаськись со медаз луы. <sup>8</sup>Со мед луоз ёрмись-ёсты сюдйсь-вордйсь, визьмо, дун-чылкыт улонэз яратйсь, шонер лэсьтйсь, вöсьяськыса шонер ульйсь, ассэ кутыны быгатйсь. <sup>9</sup>Со шонер дышетон вылэ пыкиськыса, мукетъёссэ но шонер сюрес вылэ султыны мед дышетоз, нош пумитъяськисьёсты шарае поттыны быгатйсь мед луоз.

<sup>10</sup>Вань уго трос тэрытскисьтэмъёс, юнме супыльтйсьёс, öрөкчаськисьёс, уката ик вандйськон сямеэ ортчйтэмъёс пöлысь. <sup>11</sup>Сыёеослэсь ымзэс ворсаны кулэ: соос быдэс семьяосты куашкатыло. Асьсэлы пайда поттон понна соос дышето солы, малы кулэ öвöл. <sup>12</sup>Соослэн пöлысьтызы ик одйгез пророксы шуиз: "Критын ульсьёс котьку но öрөкчаськисесь вал, лек пöйшуръёс, кöттыростэмъёс, азьтэмъёс". <sup>13</sup>Та шонер веран. Соин ик тон соосты юн визьманодья, осконзы зэмос, мур мед луоз шуыса, <sup>14</sup>Иудейёслэсь öрөкчи мадёнъёссэс но зэмлыклэсь палэнскем адямиослэсь кылдытьям курон-косонъёссэс санэ медаз понэ. <sup>15</sup>Дун-чылкытъёс понна ваньмыз дун-чылкыт; нош саптаськемъёс но окисьтэмъёс понна но кыёе но чылкытлык öвöл, малы ке шуоно, соослэн визьзы но, сölэмзы но саптаськемын. <sup>16</sup>Соос шуо ми, пе, Инмарез тодйськомы, нош ужъёсынызы асьсэос Солэсь куштйсько – кырсь-юрзымесь, кылзйськисьтэмесь, но кыёе но зеч уж лэсьтыны быгатйсьтэмесь.

## 2-тй ЛЮКЕТ

<sup>1</sup>Нош тон шонер дышетонлэсь куроньёссэ тодыты. <sup>2</sup>Дышеты, мййы пиосмуртъёс асьсэды кутыны быгатйесь, дун-шектэмесь, зйбытэсь, юн оскисесь, адямиосты яратйесь, чидасесь мед луозы шуыса. <sup>3</sup>Мййы кышномуртъёслы валэкты дун-шектэм мед улозы, кыл нуллыса медаз ветлэ, юон пöлы медаз пыриське, зечлы мед дышетозы шуыса. <sup>4</sup>Егитъёсты мед визьмалозы кузпальёссэс, нылпиоссэс яратыны кулэ, <sup>5</sup>дун-шектэм, чылкыт луыны, семьязы сярысь сюлмаськись, лякыт сямоесь, картъёссылы тэрытскисесь луыны кулэ шуыса мед валэктозы. Соосын сэрен Инмар кыл куаретон-тышкаськон улэ медаз сюры. <sup>6</sup>Егит пиосты, дун-чылкыт асьсэды мед возёзы шуыса, визьма. <sup>7</sup>Ачид зеч ужъёс лэсьтыса, соослы адзем карон возматы. Дышетонад öрекчаськонэз, сисьмонэ нуисез медаз лу. Ваньмыз дун-шектэм мед луоз. <sup>8</sup>Лякыт кылын, янгышъёстэк дышетон уждэ ну. Соку пумитъяськись возытэ вуттэмын луоз, асьме сярысь номыр но уродзэ вераны уз быгаты. <sup>9</sup>Ляльчиос асьсэлэн кузёоссылы котьку но мед тэрытскозы шуыса, соослы валэкты. Ярамонэсь луыны мед тыршозы, каршыса-пумитъяськыса медаз улэ. <sup>10</sup>Медаз лушкаське, зечлыкoesь, оскиськымонэсь мед луозы. Инмарлэн, Утисьмылэн дышетонэзлы соос данлык вайыса мед улозы.

<sup>11</sup>Уго вань адямиос понна Инмарлэн утиськон ваись дэлетэз усьтйськиз. <sup>12</sup>Со асьмеды дышетэсьöлыклэсь кышкатэк улонлэсь, та дуннелэн ку-

ронъёсызлы тэрытскыса улонлэсь куштйськыны но таяз улон даурын дун-шектэк, шонерлыко, вöсяськыса улыны, <sup>13</sup>шумпотано оскиськонмылэсь нуналзэ возьманы – быдзым Инмарлэсь, Утисьмылэсь Иисус Христослэн пиштйсь данлыкезлэсь адзиськонзэ. <sup>14</sup>Со асьме понна Ассэ сётйз, асьмеды законлы пумит лэсьтэм вань уродлэсь мозмытыны но дун-чылкыт карыса, Аслыз зеч ужъёс лэсьтыны тыршись нимысьтыз калык карон понна. <sup>15</sup>Та сярись вера, талы дышеты. Вань кужымдэ поныса съöлыкъёссэс шарае поттылы, нокин но тонэ санэ понытэк медаз улы.

### 3-тй ЛЮКЕТ

<sup>1</sup>Соослэн тодазы вайытылы кузёослы, кивалтйсьёслы тэрытскыса мед улозы, котькыче зеч ужез быдэстыны соос дасесь мед луозы шуыса. <sup>2</sup>Нокинэ но урод кылын медаз куаретэ, керзегьяськыса-копаськыса медаз улэ, зйбыт-востэм, вань адямиосын тупаса мед улозы. <sup>3</sup>Уго куке но асьмеос но укылтэмьяськыса, тэрытскытэк, съöлыкъёс пöлы йыромыса улймы. Лулмугормылэн куронъёсылэн, пöртэм эзылыса-майбыр улонлэн ляльчиосыз вал; лекьяськыса, вожьяськыса улймы; номырлы ярантэм уродэсь вал. Огмес огмы адземпотостэм карыса улймы. <sup>4</sup>Нош куке Инмарлэн, асьмелэн Утисьмылэн гажан-жалянэз, Солэн адямиез яратонэз асьме доры вуиз, <sup>5</sup>Со асьмеды лэсьтэм зеч ужъёсмыя öз утыы, Со асьмеды утиз

Аслаз гажан-жалянэныз, выль вордсконлэн пылатонэныз, Святой Духен выльдйськон пыр. <sup>6</sup>Асьмелэн Утисьмы Иисус Христос пыр Со асьме вылэ Святой Духсэ пачыл кисьтйз. <sup>7</sup>Асьмеос, Солэн гажан-жалянэз пыр шонере потыса, оскиськонмы вань бере, пумтэм вапуме улонлэн локет басьтйсьёсыз мед луысалмы шуыса.

<sup>8</sup>Та шонер верам кыл. Мон тыныд мылкыд карисько та понна юн сылыны. Соку Инмарлы оскыны кутскемъёс зеч ужъёс лэсьтыны тыршисесь луозы. Нош тазы улон вань адямиос понна зечлыко, пайдаё луэ. <sup>9</sup>Нош укылтэм кыл тэкшеронъёслэсь, чыжы-выжыослэн кытысь но ку потэмзы сярись гожъянъёслэсь, ченгешонъёслэсь но закон пумысен ваче вуылонъёслэсь палэнскылы. Соос уго но кычье но пайда уг ваё, юнме дыр быдтон гинэ со ваньмыз. <sup>10</sup>Осконмес тугась-пожасез\* одйг пол, собере эшшо огпол визьмаса утча, нош собере солэсь палэнскы. <sup>11</sup>Тод, таچه мурт сөриськемын, сьöлыкъёс пöлы выемын, со ассэ ачиз суд улэ сётэ шуыса.

<sup>12</sup>Тон доры Артемез яке Тихикез ыстй ке, мон доры Никополе жоггес лыктыны тыршы; мон отын толме потыны малпай. <sup>13</sup>Закон тодйсь Зинаез но Аполлосэз сюрес вылэ потыны зеч-зеч дася: номырлы но соос ёрмоно-зудоно медаз луэ. <sup>14</sup>Асьмелэньёс но зеч ужъёс лэсьтыса улыны мед дышетскозы, ёрмыса улйсьёслы мед юрттйськозы, емыш ваисьтэм улонэн медаз улэ.

\* 3:10 Еретик; раскольник.

<sup>15</sup>Ваньзы али монэн чош ульсьёс тыныд салам верало. Осконэн, милемыз гажаса ульсь эшъёсмылы ваньзылы салам вера. Ваньды бордын Инмарлэн дэлетэз мед улоз. Аминь.

